

INFORMACIJA

o zajmu Saudijskog fonda za razvoj za financiranje Projekta „Razvoj infrastrukture u Goraždu“

Saudijski fond za razvoj u više navrata finansirao je projekte u Bosni i Hercegovini u cilju unapređenja ekonomije. Razvojni krediti koje je Saudijski fond za razvoj stavi na raspolaganja Bosni i Hercegovini finansiraju se po najpovoljnijim uslovima koji su određeni u skladu sa Odredbama općih uslova na kredite Fonda.

Podržavajući interes Općine Goražde za realizaciju Projekta „Razvoj infrastrukture u Goraždu“, Upravni odbor Saudijskog fonda za razvoj prihvatio je finansiranje ovog projekta sredstvima zajma u iznosu od 22.500.000 SR (saudijskih rijala), što je ekvivalent 6.000.000 USD.

Vlada Federacije Federacije Bosne i Herecegovine je na svojoj 82. sjednici održanoj dana 18.09.2013. godine usvojila Zaključak V. broj: 1024/13 kojim podržava inicijativu da se zaduženjem kod Saudijskog fonda za razvoj osiguraju sredstva za realizaciju Projekta „Razvoj infrastrukture u Goraždu“ u iznosu 6 miliona USD.

Na prijedlog Saudijskog fonda za razvoj održani su pregovori u Rijadu na kojima je usaglašen je nacrt kreditnog sporazuma za projekat za Projekat „Razvoj infrastrukture u Goraždu“ i na kojima je sačinjen je Zapisnik sa pregovora.

Kredit Saudijskog fonda za ekonomski razvoj u iznosu od 22.500.000 SR , što je ekvivalentno iznosu od 6.000.000 USD, odobrava se pod sljedećim uslovima.

- rok otplate: 25 godina uključujući grejs period
- grace period: 5 godina
- kamatna stopa: 2% godišnje (fiksno)
- dospjeća: polugodišnja, 30. aprila i 30. oktobra
- valuta povlačenja i vraćanja kredita : saudijski rial
- iz kredita se nemogu plaćati: carine, porezi i druge dadžbine

Projekat „Razvoj infrastrukture u Goraždu“ sastoji se od slijedećih podprojekata:

- Sanacija sekundarne vodovodne mreže na području Općine Goražde
- Izgradnja mosta u naselju Vitkovići
- Modernizacija lokalnih i nekategorisanih puteva i gradskih ulica

Za realizaciju projekta Općina Goražde će, formirati Jedinicu za implementaciju projekta (PIU), koja će imati punu odgovornost za sve aspekte implementacije projekta uključujući nabavu, finansijsko upravljanje, sigurnosne mjere usklađenosti, nadzor, izvještavanje, nadzor i evaluaciju.

Budući da bi predloženi kredit u cjelosti bio lociran na općinu Goražde, koja bi bila krajnji korisnik i dužnik po ovom zajmu, u budžetu Federacije BiH ne bi trebalo osigurati dodatna sredstva za njegovu implementaciju.

Nacrt kreditnog sporazuma između Bosne i Hercegovine i Saudijskog fonda za ekonomski razvoj za Projekat „Razvoj infrastrukture u Goraždu“, kao i zapisnik sa pregovora čine sastavni dio ove informacije.

Na osnovu izloženog, Vlada Federacije Bosne i Hercegovine utvrdila je Prijedlog odluke o prihvatanju zaduženja po Sporazumu o zajmu između Bosne i Hercegovine i Saudijskog fonda za razvoj za realizaciju Projekta „Razvoj infrastrukture u Goraždu“.